

- 1435 randa pace cœptum erat agi. Ad cujus condiciones aliquanto æquiores ut Philippus inclinaret, Franciscus Sforzia fecerat, qui ex Picæno in Flaminiam Pontificis iussu transiverat; ferocissimo nanque hoste ex propinquo conspecto, nonnihil ille ex sua remiserat pertinacia. Erant
- 1436 ubique fere induciæ ob spem componendæ rei a Pontifice factam: quum subiti Genuensium motus, Aragonio præsidio ex arce, quæ ad Portum Veneris est, in maritima Liguriæ ora, ejecto, omnia turbarunt. Tenebat Alphonsus Rex tria in ora illa littorali oppida, quæ a Philippo non multo ante dono acceperat. Ad eam igitur pulsî præsidii famam ex Parmensi Picininus excitus (Philippus aperte jam Alphonsi partes tuebatur) ad arcem recuperandam advolat: quam quum natura & armis inexpugnabilem vidisset, conversis alio signis, Serzanam occupat. Inde Castro novo aliisque locis in eo littorali tractu captis, Macra fluvio contra antiqua recentiaque fœdera superato, Lucam se contulit: compulsisque Lucensibus ad pacem, quam cum Florentino sanxerant, violandam, Pisanos fines adortus, confestim nonnulla ademit Florentinis oppida. Sunt qui tradant, Picininum a Lucensibus accersitum, qui Bargam oppidum a Florentinis repetebant: ac interim quum Bargeses oppugnantur, a Ciarpellone & Petro Brunorio a Sforzia missis, fœliciter in Picininum pugnatum. Affecisset ille omnino Florentinos subito illo motu aliqua majore clade, nisi, spe Genuæ per seditionem recipiendæ oblata, relicta Hetruria, citato agmine in Liguriam abiisset. Interim Sforzia, superato Arno fluvio, quæcunque hostis oppida in Pisano agro occuparat, brevi recepit: admotisque ad Lucam castris, præsidisque circa portas communis, gravi cœpit Lucenses premere obsidione. Picininus autem sua expeditione frustratus, in Parmensem se recepit, commeatus & supplementi inde petendi consilio. Sed dum tardius omnia expediuntur, Lucenses interea segetibus, partim ante messem corruptis, partim ubi maturuissent, ab hoste defectis, ad tantam rei frumenta-
- riæ

*Lucam gravi
obsidione a
Florentinis
premitur.*